

UGOVOR BROJ 05-2- 1645 /19

KUPAC

**Fakultet zdravstvenih studija, Univerzitet u Sarajevu
Bolnička br. 25
71000 Sarajevo
Bosna i Hercegovina**

i

PRODAVAC

**“EURO LAB” d.o.o. Bijeljina
Filipa Višnjića 22
76300 Bijeljina
Bosna i Hercegovina**

PREDMET UGOVORA

**Nabavka laboratorijske opreme za potrebe Fakulteta zdravstvenih studija Univerziteta
u Sarajevu**

LOT 2: UV/VIS SPEKTROFOTOMETAR

Sarajevo, novembar 2019. godine

**UGOVOR broj 05-2- /19
zaključen u Sarajevu, dana ___.11.2019. godine**

UGOVORNE STRANE:

- 1. Fakultet zdravstvenih studija Univerziteta u Sarajevu, Bolnička 25, Sarajevo**
ID broj 4200672760007 kojeg zastupa dekan prof. dr Arzija Pašalić (u daljem tekstu: Naručilac) (u daljem tekstu: Kupac)
- 2. "EURO LAB" d.o.o.,Filipa Višnjića 22, 76300 Bijeljina**
JIB: 4400375860000, PDV broj: 400375860000, kojeg zastupa direktor Velibor Kocić (u daljem tekstu: Prodavac)

I PREDMET UGOVORA

Član 1.

Predmet ovog Ugovora je **Nabavka laboratorijske opreme za potrebe Fakulteta zdravstvenih studija Univerziteta u Sarajevu - LOT 2: UV/VIS SPEKTROFOTOMETAR**, prema Tenderskoj dokumentaciji broj: 05-2-1344/19 i Ponudi broj: P19-228876 koje su u prilogu i čine sastavni dio ovog Ugovora.

II UGOVORNA CIJENA

Član 2.

Ukupno ugovorena cijena za predmet Ugovora iz člana 1. ovog ugovora , bez poreza na dodatu vrijednost, na paritetu DDP iznosi:

1.990,00 KM

(Slovima: jednahiljadadevetstotinadevedeset i 00/100 KM)

Porez na dodatu vrijednost (17%) iznosi:

338,30 KM

(Slovima: tristotinetridesetosam i 30/100 KM)

Ukupno ugovorena cijena za predmet ugovora iz člana 1. ovog Ugovora, sa porezom na dodatu vrijednost iznosi:

2.328,30 KM

(Slovima: dvijehiljadetristoninedvadesetosam i 30/100 KM)

III NAČIN PLAĆANJA

Član 3.

Kupac se obavezuje da će isplatu ugovorene cijene izvršiti doznakom u roku do 30 (trideset) dana nakon isporuke robe uz prezentaciju slijedeće dokumentacije:

- Fakturna ispostavljenja u skladu sa Pravilnikom o primjeni Zakona o PDV-u,
- Zapisnik o verifikaciji robe, potpisani od strane ovlaštenih predstavnika Kupca.

IV ROK

Član 4.

Rok realizacije svih ugovornih obaveza je 60 (šezdeset) dana od dana obostranog potpisa ugovora. Ukoliko isporučena oprema ne odgovara traženom kvalitetu ista će se staviti na raspolaganje Prodavcu, a troškove nastale vraćanjem opreme snosi Prodavac.

V OBAVEZE PRODAVCA

Član 5.

Prodavac se obavezuje da :

1. izvrši sve radnje neophodne da oprema bude spremna za prijem, kao što su: pakovanje, otprema i obavljanje svih administrativnih, komercijalnih formalnosti i prijevoz do krajnje destinacije,
2. snosi sve rizike do konačnog prijema opreme na krajnjoj destinaciji, u roku koji je definiran Ugovorom,
3. izvrši isporuku predmetne opreme u skladu sa tehničkom specifikacijom,
4. dužan je da otkloni primjedbe tima Kupca vezane za nedostatke u funkcionalnosti uređaja i prihvaćene tenderske zahtjeve koji nisu uočeni/otklonjeni tokom verifikacije isporučene opreme,
5. u garantnom periodu:
 - a) obezbijedi ovlašteni servis proizvođača opreme na području BiH,
 - b) obezbijedi stručno lice sa odgovarajućim znanjem i iskustvom, odnosno ovlaštenjem proizvođača za odgovarajući nivo servisa,
 - c) preuzme neispravnu opremu najkasnije 8 (osam) sati od momenta prispjeća obavijesti o potrebama servisiranja. Prodavac može koristiti vlastiti prevoz ili koristiti usluge brze pošte, s tim da to ne uzrokuje nikakve dodatne troškove po Kupca.
 - d) utvrdi uzroke nastalih kvarova/prekida/grešaka u radu opreme,
 - e) izvrši zamjenu – popravku neispravne opreme u roku od 5 radnih dana od prijave problema, u slučaju da opravka nije moguća u roku od pet dana od preuzimanja opreme obezbijedi zamjensku opremu na korištenje istih ili boljih karakteristika,
 - f) servisiranu opremu vrati na isto mjesto odakle je preuzeta
6. u slučaju sklapanja ugovora dostavi dokument iz kojeg je vidljivo da se oprema nabavlja i isporučuje preko ovlaštenog distributera na teritoriji BiH,
7. ispostavi fakturu prema članu 3. ovog Ugovora,

VI OBAVEZE KUPCA

Član 6.

Kupac se obavezuje da:

1. izvrši obaveze iz člana 3. ovog Ugovora,
2. verificira da je isporučena oprema u potpunosti u saglasnosti sa Tehničkom specifikacijom,
3. prijavu kvara vrši putem elektronske pošte od strane ovlaštenih zaposlenika **Fakulteta zdravstvenih studija Univerziteta u Sarajevu**,
4. formira tim koji će izvršiti verifikaciju isporučene opreme,
5. u roku od 7 (sedam) dana od dana isporuke opreme usluga sačini Zapisnik o verifikaciji nabavljenе robe.

VII GARANCIJA ZA KVALITET ISPORUČENE ROBE

Član 7.

Prodavac je obavezan dostaviti Kupcu garanciju za kvalitet za isporučenu robu uz svaku isporuku robe.

Garantni rok za isporučenu robu je 2 godine i teče od dana isporuke robe na ugovorene destinacije.

U garanciju treba da budu uključeni dijelovi, rad servisera, kao i preuzimanje i vraćanje uređaja na lokaciju korisnika ukoliko se opravka ne može obaviti na lokaciji naručioca.

Prodavac garantuje da je roba nova, nekorištena, najnovijeg tipa i da u sebi sadrži sva najnovija poboljšanja u smislu dizajna, materijala ili izrade, osim ako takav izbor nije bio zahtijevan u specifikacijama od strane Kupca. Prodavac garantuje da roba odgovara za svrhu za koju treba da se koristi, da će funkcionisati kako je to navedeno u proizvođačkoj tehničkoj specifikaciji.

U toku garantnog roka, Prodavac je dužan da na poziv Kupca o svom trošku otkloni sve nedostatke nastale krivnjom Prodavca, a što je posljedica:

- upotrebe neispravnog materijala, grešaka u izradi,
- poduzimanja ili nepoduzimanja bilo koje radnje Prodavca tokom trajanja garancije,
- kontrole koja se vrši od strane Kupca ili u njegovo ime.

Ukoliko se oštećenja i nedostaci pokažu za vrijeme trajanja garancije, Kupac bez odlaganja obavještava Prodavca. Ukoliko Prodavac propusti da u vremenskom roku propisanom u obavijesti popravi oštećenje ili nedostatak, Kupac može da:

1. sam ili putem trećeg lica popravi oštećenje ili nedostatak o trošku Prodavca.
2. raskine ugovor

U hitnim slučajevima kada je nemoguće pravovremeno obavijestiti Prodavca ili on po obaviještenju ne može da poduzme potrebne mјere, Kupac može na račun Prodavca obaviti taj posao. Kupac je dužan da što prije obavijesti Prodavca o preduzetoj radnji.

VIII UGOVORNA KAZNA

Član 8.

Za svaki dan zakašnjenja u isporuci robe, Prodavac se obavezuje da Kupcu, na ime ugovorne kazne, plati 1‰ (jedan promil) ukupno ugovorene vrijednosti, a najviše do 5% (pet posto) te vrijednosti.

IX NAKNADA ŠTETE

Član 9.

Prodavac je dužan naknaditi štetu, koja nastupi iz djelovanja ili propuštanja Prodavca ili njegovih zaposlenika ili podugovarača u izvršavanju ovog Ugovora.

X VIŠA SILA

Član 10.

Za svrhe ovog Ugovora pod višom silom se podrazumijevaju događaji i okolnosti koji se nisu mogli predvidjeti i izbjegći ili otkloniti u vrijeme zaključenja ugovora i koji ugovorne strane onemogućavaju u izvršenju ugovornih obaveza.

Pod događajima i okolnostima iz prethodnog stava smatrati će se naročito: rat, poplava, požar, generalni štrajk i slični događaji.

Nemogućnost bilo koje ugovorne strane da ispunji bilo koju od svojih ugovornih obaveza, neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi uslijed dejstva više sile, s tim da je ugovorna strana koja je pogodena takvim događajem:

- a) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovom ovog Ugovora i
- b) obavijestila drugu ugovornu stranu na način koji je u dатој situaciji jedino moguć, odmah po nastanku više sile, a najkasnije u roku od 3(tri) dana od pojave takvog događaja i preduzetim mjerama na otklanjanju štetnih posljedica dejstva više sile.

XI POVJERLJIVOST

Član 11.

Ugovorne strane i njihovo osoblje ne mogu za vrijeme trajanja ovog Ugovora, kao i nakon prestanka njegovog važenja, u skladu sa zakonom, objaviti nikakvu povjerljivu informaciju koja se odnosi na zadatak, ovaj Ugovor ili poslovanje ugovornih strana, bez prethodne pismene saglasnosti ugovornih strana.

XII RJEŠAVANJE SPOROVA

Član 12.

Ugovorne strane će uložiti maksimalne napore, da sporazumno, u duhu dobrih poslovnih odnosa i uzajamnog povjerenja, riješe sve eventualne sporove koji se pojave u vezi sa ovim Ugovorom ili njegovom interpretacijom.

U slučaju da se spor između ugovornih strana u vezi sa ovim Ugovorom ne može sporazumno riješiti, isti će se povjeriti na rješavanje stvarno nadležnom sudu u Sarajevu.

XIII PRIMJENA PRAVA

Član 13.

Ugovor će se primjenjivati u skladu sa zakonima zemlje Kupca.

XIV RASKID UGOVORA

Član 14.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed. Kupac može raskinuti ugovor u slijedećim okolnostima ako:

- a) Prodavac ne izvrši neku od ugovorenih obaveza, i nakon upozorenja Kupca
- b) Prodavac ne ispunji obavezu u roku navedenom u zahtjevu Kupca.
- c) Prodavac bankrotira ili ne bude platežno sposoban na bilo koji drugi način.

XV OSTALE ODREDBE

Član 15.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Sva obavještenja, zahtjevi ili pristanci, načinjeni u saglasnosti sa ovim Ugovorom, bit će u pismenoj formi i smatrat će se da su sačinjene onda kada su poslate drugoj ugovornoj strani ili ovlaštenom predstavniku te ugovorne strane.

Član 16.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 17.

Ovaj Ugovor je sačinjen u 6 (šest) istovjetnih originalnih primjeraka , od kojih svaka ugovorna strana zadržava po 3 (tri) primjerka.

Za Kupca

Za Prodavca

**FAKULTET ZDRAVSTVENIH STUDIJA
UNIVERZITET U SARAJEVU**

Dekan

Prof. dr Arzija Pašalić

Broj: 05-2-1645/19

Datum: 19.11.2019.



“EURO LAB” d.o.o. Bijeljina

Direktor

Broj: 82119

Datum: 28.11.2015

